



KENYATAAN MEDIA
ZAIRULSHAHFUDDIN ZAINAL ABIDIN
KETUA PEGAWAI EKSEKUTIF ISLAMIC RELIEF MALAYSIA

Untuk Hebahan Segera

13 Ogos 2018

IRM LANCAR TABUNG KEMANUSIAAN LOMBOK

BANGI – Ekoran gempa bumi dengan skala 6.4 magnitud yang menggegarkan Lombok, Indonesia pada 29 Julai lalu, Islamic Relief Malaysia (IRM) mengambil langkah proaktif melancarkan tabung Rayuan Kecemasan Lombok pada 7 Ogos 2018.

Menurut Ketua Pegawai Eksekutif IRM, Zairulshahfuddin Zainal Abidin, IRM menyasarkan jumlah kutipan dana sebanyak RM500,000 untuk disalurkan kepada penduduk terjejas di Mukim Tanjung, Daerah Lombok Utara, Nusa Tenggara Barat.

“Melalui penilaian dan tinjauan yang dilakukan, dana terkumpul ini akan digunakan untuk membeli barangan keperluan seperti tarpaulin (khemah), selimut, air mineral, dan pek makanan.

“Sejak gempa bumi pertama berlaku, Islamic Relief Indonesia (IR Indonesia) telah menghantar pasukan penyelamat di Kawasan Gunung Rinjani dan Hospital Lombok diikuti dengan pasukan misi bantuan di Lombok Utara.

“Ketika ini, Pengarah Negara IR Indonesia, Nanang Dirja juga berada di lapangan untuk menjalankan kerja-kerja menyelamatkan dan agihan bantuan,” jelas Zairulshahfuddin.

Susulan beberapa siri gempa bumi di Lombok sejak 29 Julai lalu, ia telah mengorbankan puluhan nyawa manakala ratusan lagi tercedera dan memberi impak kepada 500,000 penduduk Lombok.

Sehingga kini, IR Indonesia bekerjasama dengan dua NGO tempatan, KONSEPSI dan KOSLATA untuk menghulurkan bantuan di Kampung Tegal Maja dan Kampung Sokong di Mukim Tanjung.

Mengenai IR Indonesia

Islamic Relief mula beroperasi di Indonesia sejak tahun 2000 dan telah mewujudkan pejabat pertama di Jakarta pada 2003.

Sejak ditubuhkan, IR Indonesia telah memberi bantuan kepada rakyat Indonesia melalui pelbagai sektor seperti kecemasan, kehidupan mampan, pendidikan, penajaan Al-Yateem dan pelbagai lagi.

IR Indonesia juga merupakan antara NGO terawal yang menghantar pasukan bantuan ketika bencana tsunami 2004 di Aceh dan gempa bumi di Yogyakarta pada 2006.

Melalui Memorandum Persefahaman (MOU) antara IR Indonesia dan Kementerian Dalam Negeri, IR Indonesia diberi mandat untuk beroperasi di lima Wilayah: Nangroe Aceh Darusallam (NAD), Sumatera Barat, Jawa Barat, Nusa Tenggara Barat dan Banten.

Di Lombok, IR Indonesia telah beroperasi sejak 2013 menerusi projek-projek utama seperti berikut:

- 1) Penajaan Al-Yateem kepada 475 anak yatim.
- 2) Pembangunan Mampan kepada golongan wanita terutama ibu tunggal untuk meningkatkan pendapatan melalui projek penanaman cendawan, tanaman hidroponik, dan perniagaan tenunan.
- 3) Air dan Sanitasi dengan menyediakan telaga air, kemudahan sanitasi dan penjagaan kesihatan.
- 4) Pengurangan Risiko Bencana dengan memperkenalkan peranan utama di kawasan bencana.

Mengenai Islamic Relief (IR)

Islamic Relief (IR) adalah sebuah organisasi bantuan dan pembangunan kemanusiaan antarabangsa yang bebas. IR beribu pejabat di United Kingdom dan ditubuhkan pada tahun 1984. IR telah berkhidmat di lebih dari 45 buah negara, membantu lebih daripada 120 juta orang. IR juga mempunyai rangkaian tetap di lebih 30 buah negara merangkumi 100 buah cawangan di seluruh dunia. Skop bantuan IR merangkumi bantuan kecemasan, pembangunan mampan bersepadu, pengurangan risiko bencana dan advokasi.

YABhg. Tun Dr. Mahathir Mohamad telah merasmikan penubuhan Islamic Relief Malaysia (IRM) pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penajaan dana dan pelaksana projek (antarabangsa & tempatan)

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

MAYBANK ISLAMIC | 5621 4270 8704

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

atau melalui :

CHARITY SHOPPE | TUNAI / KAD KREDIT

MOBILE APPS | IR Malaysia

Zairulshahfuddin Zainal Abidin

Ketua Pegawai Eksekutif

Islamic Relief Malaysia

- Tamat-

Dikeluarkan oleh,
Islamic Relief Malaysia (IRM)-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor
Untuk maklumat lanjut, sila hubungi **Unit Media**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my